

Lajeeb' chaq'rab' re xwaranikeb' li kok'al

- Xb'een: Taak'e reetal naq laaka'ch'in twarq chi tz'aqal reeru, aajel ru naq twanq junaq xhoonalil xwaranikeb' ut twanq aj wi' xhoonal re xwaklejikeb' a'yaal li xchihab' li junjunq (nayeemank naq jwal us naq te'warq b'eleeb' hoonal rajlal q'oqyiin).
- Xkab': Taach'olob' junaq xhoonalil li xwaranikeb' ut li xwaklejikeb' chi ruheb' li k'anjelil kutank jo' aj wi' chi ru li hileb'aal kutank.
- Rox: Rajlal kutank taak'aytesi laaka'ch'in chi xb'aanunkil wiib' oxib'aq na'leb' rub'elaj li xyokob'ankl (jo' li xk'eeb'al li raq' ak re wi' li wark, xch'ajb'al li ruuch re, xseeraq'inkil junaq li ch'ina yoob'anb'il seeraq' re, aajel ru xk'eeb'al li raq' ak re wi' li wark, xk'eeb'al xk'ulb'al li xtz'eqom re naq ink'a' twaqliiq chi ru q'oqyiin sa' xk'ab'a' naq naat'aqa li raq'.
- Xka: Taak'ut chi ru laaka'ch'in naq txik chi wark xjunes rib'.
- Ro': Maak'e li saqenk sa' li xwarib'aal chi jwal kaw xsaqenkil ru, naruuk nakak'e xmetz'ew li kaxlan saqenk ab'an toj eq'la.
- Xwaq: Aajel ru naq maak'a'aq xyaab' yalaq k'a' ru xpaayil chi ab'ib'aal son, b'oqleb', kaaxmu sa' eb' li xwarib'aal malaj tentook naq wanqeb' chi chupchu.
- Xwuq: Aajel ru naq twanq xhoonalil xb'aanunkil chi xjunil li k'anjel k'aynaqeb' wi' rajlal kutank, qayehaq xhoonalil li xk'eeb'al li xtzakahemqeb'.
- Xwaqxaq: Tentook te'wanq xhoonalil re wark chi ru li kutank (ka'aj wi' cho'q reheb' laj oob' chihab'), xtuqub'ankil ru li xhoonalil a'yaal xchihab' li junjunq.
- Xb'ele: Aajel ru naq li ka'ch'in tixchiq' li xjunxaqalil chi ru li kutank junjunq.
- Xlaje: Ink'a' xk'eeb'al li tzakahemq reheb' chi moko uk'a'ej li wankeb' b'an chi sa', li nake'xmajewa li junxaqalil, jo' li kape, kaxlan ha' ut li k'isk'im.